

新修閩鄉縣志

新修閬鄉縣志卷十四

宦績傳

說見上篇

明劉粹山東濰縣監生正統間任寬厚愛民作興學校值荒旱禱雨輒應號曰雨劉去後邑人思之祀名宦

按禱雨之說固不免迷信然成湯周宣以聖賢之主躬自行之今雖科學發明知氣候有定不由祈請而對於循吏惻隱愛民之誠不可沒也故仍舊書之

侯珠陝西麟遊監生自甘清苦居官如家一介不苟卒於官百姓哭之如喪考妣祀名宦

按朝邑閻文介公專以廉不廉課吏治蓋周官六計以廉爲本一涉貪墨則其餘無足觀矣晚近賄賂公行纂此不禁仰止之思焉

孟周字宗魯山西朔州舉人弘治七年任修舉廢墜百務俱興陞漢陽通判邑人思

之祀名宦

按有明一代以孝宗朝爲最盛天下太平官吏皆可以有爲所謂百務俱興者惜舊志不詳其事實無從懸揣耳

王億陝西鳳翔進士正德初任果敢有爲民受其福累官至參議以督糧儲擿殺中貴而罷祀名宦

按擿殺中貴當在爲參議時其去闕久矣然其不畏強禦如此則所稱果敢有爲愈足信也若脂韋無骨氣人終幹不成一件事

王珥字同德四川郫縣舉人嘉靖七年任以清毅聞時大荒羣盜騷動賴以安堵

按明末李自成聯語有云盡是他汚吏貪官斷絕二百年基業壞天下事無過於貪汚地方有清毅之官羣盜聞而卻步其保障斯民勝於辦團練多矣

路天衢字雲程直隸肅寧舉人嘉靖八年任清廉正大多所興革里甲自正辦外無纖毫加派積粟充牣於倉壬辰大荒民多全活戶部請命旌之陞許州知州祀名宦

按地方官多以循例守舊爲長技究之亦庸吏藏拙耳興革果有益於民卽當勇敢任之易曰利用爲大作元吉旡咎其本在清廉正大紛更者不得藉口而妄行效顰也昔汲黯矯制發倉振河南饑民漢景帝不之罪天衢積倉於平時而民賴以全活朝廷特命旌之其深知治體哉

楊夢豸陝西安定舉人嘉靖三十一年任賦性剛方不避豪強陞德州知州有去思碑

按去思碑今已磨滅其詳不可知如楊君者可謂不愧其名矣

張敬陝西漢中人萬歷元年任有執持不妄取予以忤權貴遷阮江判人共惜之
劉應科山西洪洞舉人萬歷八年任敏練務持大體調伊陽任終馬瑚府知府
楊養湛四川馬瑚府舉人萬歷十年任敷政嚴明吏畏民懷剏修新城未竟以蜚語掛冠去時論惜之祀名宦

按建置志內謂楊君慨城郭湫隘申請當道拓東南以接龍脈事將竣而楊以病

去與此小有不符然剏修城垣實扞衛民生要策其後崇禎八年知縣黃鉉因流寇出沒通修新舊城以資防禦乃收全功其始初經營規模宏遠豈俗吏所能及哉今王公祠前人猶呼爲老東門其東南隅一巷號爲新城上可以知當日城內最隘惟所謂接龍脈云者尙不免拘於形家者言斯爲缺憾耳

蕭重望貴州思南進士萬歷十五年任操持端介行事精詳甫期調祥符有去思碑祀名宦

按祥符爲豫省首邑非才具優長斷不能調任重望能受大憲特識其所謂端介精詳者當可信矣

鄭民悅直隸房山舉人萬歷十五年任敏達有治才以清謹聞陞歸德府同知祀名宦

按建置志萬歷十八年大水衝城西南隅知縣鄭民悅剏築石隄建禹王廟三楹百姓豎石曰鄭公隄蓋卽今西門外湖水隄也經孫公六皆重修加重長與厚今

迤南亦多衝壤續修維艱念創造之勞益令人神往焉

石允珍陝西同州舉人萬歷二十一年任性恆亮政尙寬和務與百姓相休息調澠池士民德之有去思碑祀名宦

郭聞禮直隸安平舉人萬歷二十二年任賦性簡默操持粹白陞南昌通判祀名宦
按石郭兩君不爲赫赫之名而去後益繫人思至於俎豆尸祝眞所謂悃悞無華日計不足歲計有餘者歟彼便佞徒工演說者視此何啻霄壤哉

黃方號正所江西吉水縣舉人萬歷二十七年重刊縣志城垣廟宇多所修建陞廣平同知

按藝文志載黃公文雖不脫風水家言而能知士宜自勵且修志尤爲一邑文獻所關其纂輯之勤不可沒也故特表而出之

潘大藻湖廣黔陽舉人天啟二年任闕係衝途驛站繁劇先是寶豐永寧鞏縣伊陽皆協濟約有三千餘金後漸不給邑民苦累公至申請院道以他邑協濟抵本縣京

邊疏題得請兩站少甦近四縣所協不及十分之一百姓疲於奔命益思仁侯矣祀名宦

按自改驛歸郵而夫馬減省今火車通而兵差亦頓少矣甚矣新政之宜民也趙民獻字廷賓號大薰雲南大理府舉人崇正五年任閩邑錯壤軍屯軍強民弱從來久矣公力行申請治其悍者正法遺戍豪強斂迹民獲安堵公餘好著書翻刻迪吉錄四十卷萃古名言十卷皆有益於名教陞臨洮同知祀名宦

按天下治平日久迄今軍人服田力穡入學簪仕已與居民同化無復強悍之習惟插花地究不相宜現奉部令調查更劃果能辦到則政治前途更易爲力耳

黃鉉宣大左衛拔貢崇正八年任先是城郭單弱公率先捐俸增堞濬壕又增修東郭新城南門舊無甕城公始創築募宣大健兒購良馬練習防禦悉出己資時黑蝎子闖將等十三家賊兵蜂擁壓境公皆設禦身先士卒不憚勞悴賊圍孤城四十餘日恃以無恐皆公力也夫人翟氏脫簪珥以稿守城之士士咸感泣遂得保障無恙

尋陞薊遼監紀士民攀轅號泣如失怙恃後陞淮安同知守義死節尸祝弗絕云

按黃公當明季之時寇盜縱橫事已不可爲矣然公不死於國而死於淮安蓋將與張巡許遠先後比烈夫人亦有陸家姑之風吾閱南陽鹿邑兩縣志載張睢陽事獨詳南陽其故籍鹿邑其政績所在也忠義之士爲河嶽增色若黃公者堪與同垂天壤矣

清張育葵陝州弘農衛生員順治元年任時值流寇焚劫之後民皆逃竄公沿山寨招徠士庶問民疾苦申請院道題豁荒糧果獲所請蠲十之三民懷其德次年調任江南上元知縣

錢綸字時麗直隸亢城拔貢順治二年任時兵燹之後文廟雖存諸堂廡俱毀公至卽與諸生嚴之琳張肇基李魁春等剏建東西兩廡戟門三楹尋陞濟南通判

湯家棟遼東貢生順治四年任先是修築學宮未竟公呼前襄事諸人及張啟留申用省郭光裕輩議卒前業爰是倫堂始構櫺星補葺門牆輪奐一新矣有去思碑立

祠祭祀

金鎮字又鑣號長真順天宛平籍浙江山陰人順治七年任次年秋旱公率僚屬步禱虔恪霖雨三日四郊霑足歡呼十年春山南渠賊楊結子糾合亡命數千恃險劫掠大爲民患公檄請當道發兵會勦卒皆就撫邑賴以寧尋陞鑾儀衛參軍轉陞刑部河南司員外郎中祀名宦

按當鼎定之初秩序未順而令長爲最親民之官其艱劇有加倍於平時者以庸俗不得而敷演也如張錢湯金四公或蠲荒糧以招來流民或修黌宮以培植文教或請援軍以勦除山寇皆關於民生利病之大者績雖不同而同歸於治其享俎豆而垂簡策宜矣

張三省字鄰曾號芥舟浙江嘉興拔貢順治十五年任重刊縣志

按張公舊志不詳其治績然讀其志序慨然念閭邑之困在臨漕與驛遞其弊在刁訟輕生有志於興利除害移風易俗其必非庸腐可想而知矣况文章斐然哉

故特爲列入斯編

耿文蔚山東萊陽歲貢康熙四十年任清廉正直蠹不能蔽民受其福重建黃帝廟士民感德立碑在文廟東後廢

許珽靈寶知縣康熙四十二年兼署闕南甕城正門士民感立德祠在營汎東

按許公以署事不以五日京兆而爲地方久遠之圖其社稷尸祝豈偶然哉

杜董四川忠州進士雍正二年任設立義學朔望課士懲蠹甚嚴愛民如子待士以禮在任八月丁內艱去邑人思念不忘

王俊江南太倉舉人雍正六年任持法嚴明胥役稟事具狀批發浸潤之譖無由乘間民因受福在任四年丁內艱去

按前清憲廟治尙嚴酷其時田文鏡督豫所拔類精敏才幹之士如杜王二公蓋亦爲世運所趨惜舊志未詳載其治績因無從追溯耳

梁溥字宥宇山西介休人雍正乙卯舉人乾隆十一年任重修邑志十二卷

按藝文志載梁公詩文頗擅風雅之致而修舉廢墜如重構三鱣堂整理郭村義學皆有關於風化蓋仕當盛世故得從容布置以文章飾吏治而舊志僅載其修志一節疎矣

朱家濂舉人乾隆二十六年任禁牙行斗級擾民勒碑以記邑人爲建生祠

石玖光乾隆三十九年任免邑供官廚食米勒碑以記

梁元瑾臨桂進士乾隆五十四年有惠政邑人爲建生祠

胡廷儀福建進士嘉慶十三年任重修文廟有惠政邑人爲建生祠

按藝文內載有朱公重立在城集記與此處適合又有梁公蠲免食米記胡公生祠記其實爲革除斗行供麵此處記免供官廚食米爲石公事而梁胡兩公只言有惠政或以原有碑記故略之耶夫以長官行政免除陋規乃職分所當然况瑣細已甚而碑記特津津道之可見貪酷者多稍加惠於民民卽感戴不忘概由於風氣之厚其爲政不亦易哉茲事已全見王維國清德祠記擬於藝文不復載

其文故附論於此

王掌絲天津人嘉慶十六年任重修明倫堂預辦軍需民無擾案

按王公蓋能吏當少年時因戒賭自齧其指外間號爲王莫手嘗巡鄉有買牲口者與牙儉捏合謂價已付迄而賣戶攔輿喊控公訊問兩造罰賣戶買兩燒餅令買戶與牙儉分立與旁各擘碎作銀兩件數其術遂窮而吐實情予聞諸故老云鄭永修山西進士道光十七年任捐儲鄉會經費二千餘金爲赴試資詳定章程勒碑明倫堂見掌故

按闕處西陲去京省最遠科第最不發達多迫於窮困而無力應試鄭公倡捐經費雖非根本計劃而當時甚豔稱之今科舉已廢改設學校而良吏培植之盛心不可沒也故特爲記之

李福源四川中江進士道光二十一年任重修城隍廟移建關帝廟修黃帝陵奎樓修葺養濟各院

按李公蓋精於形家者言其所修多主於培植文脈予又聞之故老公謂靈湖渠不宜使下流入稠桑嘗親自相度引令入湖一時連登科第者數人事雖不可盡信總賢於委靡不振遠矣

王其昌順天通州廩貢同治元年署五月粵匪自商雒竄入豫境圍城被陷率紳民巷戰殉難最烈奉文建祠春秋致祭

按王公死事老吏猶能道其詳者謂公初被獲引見賊酋於北寨某家自詭是商人賣布正者既見釋出門而囚縛之民有呼大老救命者賊始知其爲縣令搜得印懸於肘復反見酋酋誘降百端取水進食堅不肯沐食酋命退日詳思使人監視翌晨召問公痛罵酋怒磔殺東門外樹下割食其心舊志所云殉難最烈者當指是其時城內士民死者數百人皆附公廟食云

朱熙宇休寧進士同治六年任先是縣署燬於粵匪公捐倡修建王公祠

程國棠歙縣人光緒元年任重修荆山書院增修金膏獎創立三鱣堂經學於闕底

鎮設城鄉義學五所

按程公教士之澤閱五六十年而不忘今雖改辦教育而賢侯遺愛所謂異名而同實也故特著於篇

陳連川字荇舫信陽人光緒乙亥科舉人初名錦林字杏芳文見中州試牘公文宗熊劉不肯趨時尚故多困秋闈其族人有夢公獲中榜書陳連川者勸公改名公隲其誣又以二字無文義笑謝之至乙亥族人又以夢兆爲言徑出四金代託人請易之是科果售亦異矣履闕教諭任去大荒未幾覩一時文風不競科名否塞慨然以誘掖後進自任每月以文詩古各一課士子詳加批改臨食遇諸生文至必閱竟乃食其愛才如命熱心教誨如此故從遊同學者甚夥文風因之大變偶發生竊盜城磚案長幼被逮纍纍門斗某與焉以公請得釋既而曰同案異罰不爲公允時正課士子因作反其髦倪文送縣文情悱惻知事劉公感動盡釋全案一時傳頌此亦培植士風俾爲有用文字之一班也與密縣韓又白先生相先後云

張前勳字啟華鄭州舉人光緒十一年補授縣訓導至三十二年調陞陳州府教授在任最久整飾士風頗尙嚴厲邪侈者畏憚不敢爲非而愛才好士遇勤學有志者每留作竟日談商權文義娓娓忘倦卽待以餐飯不厭也二十六年歲大饑門下士有困餓不能自持者先生輒推食與之先生雖在官而善營生計每麥秋登場乘時價較賤卽糴足滿年應用之數量入爲出樽節開支不異寒儉而對於諸生脩費亦不過事刻求頗有師生禮意生平尤精於地理之學丹黃校勘常不釋手其所得深矣

孫叔謙字吉承號六皆山東榮城縣人父補堂太守宦湖北多年政聲卓著其仲兄佩南先生由刑曹出宰合肥持正不阿忤權相棄官以道德文章爲魯豫宗師著有校經室文集公以同治癸酉科舉人光緒十五年秋蒞閩北濱大河岸素善崩關廂祠屋皆圯於水浸及衙署每年修築耗銀數千兩迄無成效先是倪公德齡在河灘祀大王大王直上倪公衣袖倪公懼變色家丁以手掌擊入水當時發巨浪署後

房地塌數丈，倪公歸祀大王神主於上房，病竟沉綿不起。公至問故，因閱河工，見其高岸皆沙土相間，遇風吹沙揚空，則土不能立，非大修不可。遂爲文告大王，謂將興大工，請神明默助。但上房乃衙署正屋，有司亦朝廷命官，不能相讓。因移主于偏院翼室。如河工完畢，可另建廟宇，稟請道憲，鉄公轉詳撫部裕公入奏，撥漕項銀十二萬兩。次年春，公遭病數月，衆謂大王爲崇，請移居。公堅不爲動。每夜深更靜，公臥病榻獨聞河灘有若築杵聲，使人察之，則毫無物跡。泊庫款撥下，公病漸愈。始動工時，值夏水暴漲，倚船岸邊用荆條編簍以木椿植于泥中，實小石磚塊于其內，遇大浪猝起，輒冲刷以去。忽六月朔，縣西甘澗峪驟雨蛟起，衝巨石有山峪出堆姚子頭村東，長約數里。公聞喜甚，乃招石工開鑿條塊，由閘底鎮載舟而下，實坎渦。既平，用米汁和灰逐層縮收，堆砌卒成壩十二道。外樹以柳，擁隄根其工料尺數詳見裕撫奏中。又以餘款修湖水隄二百四十丈，今四十餘年，河日北趨而城基屹然，非公之大造于閘哉。公首至令聯行保甲，如有匪類比戶連坐立法甚嚴，宵小無容匿而閘

閻以安憫士子獨守帖括聞見隘陋于荆山書院每月加課經古論策之類已有以開風氣之先值歲旱禱雨步走山峪取水邑北寨有黑龍王土人甚尊信公謂若不能爲雲雨潤蒼生當取泥像擲河中蓋師變置社稷之義惟不愧神明故能膽正如此遇命案下鄉檢驗約束從役發給資糧不令絲毫擾鄉里案牘剛斷多一訊卽判決辛卯鄉試公奉調爲同考官入閤揭曉後調任武陟值沁黃汎溢督工修築宿河壩再閱月費帑金十六萬不及霜降而工竣論者謂前此所未有也嗣補祥符首縣改調杞縣陞光州直隸州中間因事撤省旋復任竟以積勞卒于光州任所公性本直爽學優經濟所至每思特有建樹爲地方興利除害不軀煦作長厚態故奸猾憚其威而時造流言或指爲酷猛然禮敬賢士愛才若命則一歸于中和乃年僅五袞功業未竟惜哉

鄧華林字舒文廣東人光緒二十六年莅任時值饑荒匪盜伺隙而動公治之以嚴有犯者按律懲辦不准藉屍訛詐而奸宄爲斂迹除放豐備倉社倉外開封周君爲